

МЕСЯЦА МАРТА В 4-Й ДЕНЬ.

ПРЕПОДОБНАГО ОТЦА НАШЕГО ГЕРАСИМА, ИЖЕ НА ИОРДАНЕ

На Господи, воззвах: стихиры, глас 8.

Подобен: О, преславнаго чудесе:

Отче Богомудре Герасиме, * воздержанием многим, * молитвою и молением Богу соединяся, * непревратен пребыл еси коварствию борителя * и раб явился еси Вседержителя. * Отонудуже почитаем тя * и, Божественную память твою * прерадостно верою празднующе, восхваляем тя.

Преподобне отче Герасиме, * в пустынях присно, и пещерах, и горах * верою пребывая, * Бога взыскал еси * и Того обрел еси, * якоже возжелел еси. * Невозвратною душею вжиляемь, * вхождении добрыми всегда, * и монашествующих множества привел еси, * Богу спасаемая.

Ты, повинуюся манием * Всевидаца Бога, * от Него благодать приял еси * действовать чудеса * и прогнати духи лукавствия, * дивия же звери повинуты ума чистотою. * Темже почитаем тя * и Божественную память твою должно * верою празднуем, Богоблаженне.

Слава, и ныне, Богородичен, глас и подобен тойже:

Тя молим, Пречистая, * Предстательницу нашу, * смущаемии в печалех: * не презри до конца погибнути рабы Твоя, * но ускори изъяти ны * настоящего гнева и печали, * о Богорадованная, Пресвятая Чистая, * Ты бо наша еси стена * и помощь необорима.

Крестобогородичен. Подобен тойже:

Тя видящи, пригвождаема * на Кресте, Иисусе, * и страсти приемлюща волею, * Дева и Мати Твоя, Владыко,— * увы Мне,— вопияше,— Чадо сладкое, * раны неправедно како терпиши, * Врачу, исцеливый человеческое неможение * и от тли вся избавивый милосердием Твоим?

НА УТРЕНИ

Канон, егоже краегранесие: Герасима хвалю, яко венец плету. Глас 8.

Песнь 1

Ирмос: Поим Господеви, * проведшему люди Своя сквозе Черное море, * яко Един славно прославися.

Славу безсмертия и нетления Божественный венец * добре подвигшемуся Христос тебе подаде, Герасиме.

Имея Светодателя, твоих послушающа молений, * демонов тьму умалил еси, отче Герасиме.

Струями твоих слез, якоже древо, отче, тучняемое, * плоды безсмертия произнесл еси, Богомудре Герасиме.

Богородичен: Пречистая Богородице, устави болезни сердца моего, * яже Христа безболезненно, паче ума же и слова рождашая.

Песнь 3

Ирмос: Ты еси утверждение * притекающих к Тебе, Господи, * Ты еси свет омраченных, * и поет Тя дух мой.

Распятие вольное Претерпевшему, преподобне, последуя, * весь распялся еси житию и страстем.

Возмогл еси, укрепляемь вседетельным, мудре, мановением, * крепкаго вся сети попрали, Герасиме.

Смирением мудрованием и смиренным, мудре, духом, ты укрепься, * страсти душетленные всеконечно смирил еси.

Якоже великое солнце, чудес твоих сияньми просвещаеши всех сердца, * верно восхваляющих тя.

Богородичен: Родила еси, Всенепорочная, Отцу Сына сопрестольна и соестественна, * всем входы жизненные показавшаго.

Седален, глас 4.

Подобен: Явился еси днесь:

Демонов, преподобне, коварства крестною благодатию и действием прешед, * положением бог был еси. * Темже ты верно почитаем, Герасиме.

Слава, и ныне, Богородичен:

Пречистыя руки Твоя, Дево Мати, простерши, * покрый уповающия на Тя и Сыну Твоему зовущия: * всем подаждь, Христе, милости Твоя.

Крестобогородичен:

На Древе видящи воздвижена Сына Твоего, Пречистая, * утробою матернею растерзаема, жалостно взывала еси: * увы Мне, * како зашел еси, Свете Мой безлетный?

Песнь 4

Ирмос: Услышах, Господи, * смотрения Твоего таинство, * разумех дела Твоя * и прославих Твое Божество.

Храм бысть Духа просвещенное, отче, сердце твое, * тем точит дарования, * исцеляя недуги Божественною благодатию.

Закону Божественному повинуюся, отче, * от юности последовал еси Господу, * обლობыая безплотных житие с телом.

Шествия твоя, преподобне, к спасительней стези исправишася * наставлением Божественнаго Духа, в тя, преподобне, всельшагося.

Богородичен: Иисуса Человеколюбца, * Егоже несказанно чревоносила еси, * умоли, Всенепорочная, спасти вся, поюция Тя.

Песнь 5

Ирмос: Утреннююще, вопием Ти: * Господи, спаси ны, * Ты бо еси Бог наш, * разве Тебе, иного не вемы.

Умом очищенным прием лучи Святаго Духа, * свет монашествующих был еси.

Житие твое, нуждею естества сияя, * ангела земнаго с плотию тя показа.

Вод животчных Духа исполнен, * реки источил еси чудес, отче Герасиме.

Богородичен: Яко туча, на Тя сниде, Богородице, * Слово, воплощаемое в просвещение душ наших.

Песнь 6

Ирмос: Очисти мя, Спасе, * многа бо беззакония моя, * и из глубины зол возведи, молюся, * к Тебе бо возопих, и услыши мя, * Боже спасения моего.

Плоти твоя немощное, силою укрепляемо * от Девы нам Чистыя возсиявшаго, * всю смири силу, отче, враждебных безплотных, преподобне.

Сокрушив мысленных львов челюсти благодатию, * покори еси чувственных стремления, преподобне; * тем повинуется тебе лев, * яко пастырю благопокорно служа.

Житие ангельское, мудрование, отче, смиренно стяжав о Христе, * кроток был еси * и ныне вселился еси в земли кротких, * радости Божественныя исполняемъ.

Богородичен: Вселися в Тя Отчее, Чистая, озарение * и, рождся плотию, мир просвети, и тьмы избави многобожия. * Сего ради воспеваем Тя.

Кондак, глас 4.

Подобен: Вознесыйся:

Возгоревся рачением Горним, * жестость пустыни Иордановы паче всех мира сладких предпочел еси; * отонудуже повинуюся тебе зверь даже до смерти, отче, * послушне и жалостне на гробе твоём скончася, * прославльшу тя тако Богу, * к Немуже моляся, и о нас, * отче Герасиме, поминай.

Песнь 7

Ирмос: Отроцы еврейстии в пещи * попраша пламень дерзновенно * и на росу огонь преложиша, вопиюще: * благословен еси, Господи Боже, во веки.

Свет возсия тебе, отче, и сопруг сего веселие, * в Небесных кровех присно водворяему и песнопующу: * благословен еси, Господи Боже, во веки.

Тучами слез напоив твое, Богоносе, сердце, * добродетельныя прозябаещи плоды, * имиже сладость Горнюю во веки приял еси со всеми преподобными.

Во устех нося пение в подражании непрестанно Ангельством, * бденным умом, Герасиме, вопиял еси: * благословен еси, Господи Боже, во веки.

Богородичен: Огнь никакоже Тя, Богородице, Божества опали, Дево, * Тя бо купина иногда образоваше в горе, * опаляема, Пречистая, и никакоже старающа.

Песнь 8

Ирмос: Богоглаголивии отроцы в печи, * со огнем пламень попирающе, пояху: * благословите, дела Господня, Господа.

Просвещен предстал еси Владыце * постническими сияньми, чудоносче Герасиме, * и Безплотных ликом счислился еси.

В беззлобии житие проводив, * лукаваго седалище отнюд охудил еси, * постников красото, Богомудре Герасиме.

Во одежду нетления одеялся еси * страстей совлечением, отче Богомудре Герасиме, * и чертог Божественный достойно получил еси.

Богородичен: Яко благоуханный крин, обрет Тя во удолиих жития Пресущественный, Всечистая, * Тобою благоухание миру вдохну.

Песнь 9

Ирмос: Устрашися всяк слух * неизреченна Божия снисхождения, * яко Вышний волею сниде даже и до плоти, * от девического чрева быв Человек. * Темже Пречистую Богородицу, вернии, величаем.

Стопам всех, добре на земли ходивших, последуя, * любовь имел еси, веру, надежду, * мерность, мудрость и неоскудную молитву, * воздержание неизреченное, отче Герасиме, * наслаждаясь чистыми восхождением.

О, чудо! како, яко словесен, повиновашеся тебе зверь * повелению твоему, Герасиме, со усердием служа, * Богу прославляюще твое житие равноангельное, * знамении, преподобне, и безчисленными дивесы и чудесы?

Утверждение явился еси монашествующих и молчащих, Богоносе, наказание, * теснейшую бо воздержания стезю шествовал еси, * Божественными надеждами душу присно расширяя. * Темже пространно в селех избранных обрел еси селение.

Процвел еси, отче, во дворех Бога нашего, яко финикс высокорасленный, * яко кипарис, возвеличился еси Божественными возношением. * Отонудуже память твою верно вси празднуем, * в нюже молимся: искушений ны всяких спаси.

Богородичен: Носящи Еммануила на руку Твоею, Чистая, * якоже Младенца, Богорадованная, вопияла еси: * Чадо Мое сладчайшее, * како подам Тебе сосец, питающему всяческая? * како повию Тя пеленами, мглою повивающаго море?

ПРЕПОДОБНЫЙ ГЕРАСИМ ИОРДАНСКИЙ

Преподобный Герасим Иорданский родился в г. Ликии (Каппадокия, Малая Азия). Уже в юности он решил оставить мирскую жизнь и посвятить себя служению Богу. Приняв монашество, он ушел в Египет, в Фиваидскую пустыню, где подвизался в духовном подвиге много лет. Около 450 года преподобный Герасим отправился во Святую Землю – его особенно привлекла Иорданская пустыня, как идеальное место для отшельнической жизни.

В Иерусалиме преподобный Герасим подпал под влияние ереси Патриарха Александрийского Диоскора и архимандрита Евтихия, признававших в Спасителе Иисусе Христе только Божественное естество.

Состоявшийся в Халкидоне IV Вселенский Собор (451) осудил это лжеучение, однако часть его приверженцев продолжала упорствовать в ереси. Некий монах-еретик, по имени Феодосий, пришел в Иерусалим и сумел привлечь на свою сторону царицу Евдокию, вдову Феодосия Младшего (408–450), в то время находившуюся во Святой Земле. Став невольной пособницей еретика, Евдокия восстановила местное духовенство против Патриарха Иерусалимского Ювеналия, твердо державшегося Православной веры. Патриарх был изгнан, а его престол незаконно занял еретик Феодосий, чья деятельность вскоре стала смущать истинно веровавших.

Преподобный Герасим, подвизавшийся в то время отшельником на реке Иордан, решил отправиться за советом к преподобному Евфимию Великому († 473; память 20 января), добродетель и мудрость которого были широко известны.

После довольно долгого пребывания в пустыне у преподобного Евфимия, наставления которого вновь укрепили преподобного Герасима в правоверии, иорданский отшельник возвратился в свою обитель. Вскоре благочестивый император Маркиан (450–457) восстановил Патриарха Ювеналия на его кафедре, ересь была осуждена, Феодосий бежал на Синай, а многие прельщенные, в том числе царица Евдокия, вернулись в лоно Православной Церкви.

Глубоко раскаявшись в своем заблуждении, преподобный Герасим умножил подвиги во славу Божию. Обитель, устроенная им недалеко от реки, была предназначена для новопринятых монахов, которых преподобный встречал с радостью и окружал отеческой любовью. Те же, кто желал совершенствоваться в отшельничестве, а их под началом преподобного Герасима находилось около семидесяти, устраивали себе кельи в глубине пустыни.

Устав жития пустынножителей отличался большой строгостью. Преподобный Герасим являл братии замечательный пример совершенного подвижничества и воздержания. Каждый в своей келье проводил в безмолвии и богомыслии пять дней недели, питаясь в то время лишь сухим хлебом и водой, принесенными с собою из монастыря. Огонь разводить не разрешалось. На субботу и воскресенье все собирались в монастыре, где служили в храме Божественную литургию и причащались Святых Тайн. В эти дни за общей трапезой позволялось преподобным вкушать немного вареной пицци и вина. Тогда же все иноки сдавали ему сплетенные за пять дней корзины. На вырученные от продажи деньги и содержался монастырь.

Никто из братии не имел никакой собственности, кроме рогожи для сна, одежды и сосуда для воды. Преподобный Герасим наказывал пустынникам не запираť двери кельи, чтобы каждый путник мог войти и взять из этих вещей нужное ему.

На время Великого поста преподобный Герасим со своим любимым учеником блаженным Кириаком (память 29 сентября) обыкновенно удалялся в самую глубину пустыни, отказывая себе даже в хлебе и воде, поддерживая свое тело только Святым Причастием.

Однажды преподобный Герасим был чудесным образом извещен о кончине святого Евфимия Великого. Преподобный сподобился видеть, как Ангелы

возносили на небо душу святого старца. Поспешив в его обитель вместе с учеником своим Кириаком, преподобный Герасим присутствовал при погребении святого Евфимия.

На иконах преподобный Герасим изображается со львом, лежащим у ног преподобного. Предание повествует, что однажды святой подвижник встретил в пустыне раненого льва и вылечил его, вынув терновую колючку из уже сильно загноившейся лапы. Зверь настолько привязался к старцу, который кормил его из рук своим скудным хлебом, что служил ему как домашнее животное, помогал выполнять тяжелую монастырскую работу.

Преподобный Герасим дожил до глубокой старости и преставился в 451 году. Рассказывают, что лев вскоре умер на могиле старца и был зарыт близ его гроба.